

〔三中歷乾象〕四天 春蒼天 夏昊天 秋旻天 冬上天  
 九天 中央鈞天 東倉天 東南陽天 南炎天 西南朱天 西旻天 西北幽天 北玄天  
 東北愍天

〔爾雅註疏五〕穹蒼蒼天也。註：天形穹隆，其名蒼蒼，因名云。春爲蒼天，註：萬物蒼蒼然生，夏爲昊天，註：言氣皓肝，秋爲旻天，註：是猶愍也，愍萬物彫落，冬爲上天，註：時無事，在上而臨下而已，疏：此釋四時之蒼蒼天也。蒼蒼，故云穹蒼，其實則與下云春爲蒼天是一，故云穹蒼蒼天也。○下略。

〔下學集天上〕昊天也。旻天秋。彼蒼天。蒼旻天。乾坤天地。宇宙太虛。霄空二字義同

〔撮壤集天上〕天

宇宙 大圓 元氣 金闕 銀闕 玉京 雞子 碧落 虛碧 虛空

〔八雲御抄天上〕天 あま ひさかたと云ひさといふなり あまつそら あまのはら みそら  
 とりの道 そらの海 おほそら なかとみ 俊頼抄 みどりの空と云は 樓炭經說 南浮州

は、須彌山碧瑠璃うつりてみどり也といへり、

〔日本書紀神代〕古天地未剖陰陽不分，渾沌如雞子，溟滓而含牙，及其清陽者薄靡而爲天，重濁者淹滯而爲地，精妙之合搏易，重濁之凝竭難，故天先成而地後定。

〔事物紀原天地生植〕天地 清輕者上爲天，濁重者下爲地，冲和氣者爲人，循之不得名曰易，一變而爲七七變而爲九九復爲一，一者形變之始也，清輕重濁清以陽發，故氣冲爲天，濁以陰凝，故氣沈爲地，天地形別謂之兩儀，列子曰：視之不見，聽之不聞，周易繫辭曰：易有太極，是生兩儀，高氏小史曰：兩儀分五運通二體分形，離爲清濁，三五曆紀天地渾混如雞子，盤古生其中，萬八千歲天地開闢，陽清爲天，陰濁爲地，盤古在其中，一日九變，神於天聖於地，天日高一丈，地日深一丈，盤古日長一丈，如此萬八千歲，天極高地極深，盤古極長，後乃有三皇，此天地人之始也。

爲天，陰濁爲地，盤古在其中，一日九變，神於天聖於地，天日高一丈，地日深一丈，盤古日長一丈，如此萬八千歲，天極高地極深，盤古極長，後乃有三皇，此天地人之始也。